

四庫全書

集部

欽定四庫全書

東江家藏集卷十四

中集十

明 顧清 撰

北游稿

詩一百首

丁丑元旦雜書

百里宿舂糧千里三月裹三殮適蒼莽既返腹猶果雲
鵬快九萬斤鷄搶榆可玄間函萬類尻鉅雜纖瑣王公

與輿阜意適無爾我季孫周公富參也肘雙裸當其商
聲歌萬物等瓜菰飛颺笑鳩拙蝥亦憐鼈跛鶴長斷斯
悲息短續詎安為謝守株翁君計良未左

東曙寄答去歲生辰和韻之作若不以予言為

然者再疊奉酬

一年歸計又成賒却望春城感物華海鴈忽來雲外信
江梅應發檻前花人將勲業期安石我自風流憶孟嘉
終擬一筇尋老伴商量晴雨問桑麻

次韻用常有懷見寄兼送三兒失舉還京因以
自歎之作二首

茅屋藜燈對雨然
小橋西畔竹籬邊
天涯莫道渾忘却
久矣西齋一榻懸

休從場屋論功名
晚達何須讓早成
八十前頭看梁顥
白袍元是一書生

李谷泉七十

虛皇臺殿五雲邊
有客閒居七十年
仙籍遡源來苦縣

家山回首是琴川
神駢野鶴時過海
手植簷松欲造天
昨夜瑤壇霜月下
焚香猶誦蕊珠篇

甲戌郊祀齋居落齒有作正月十二日再落一

齒用前韻亦齋居也

癡人老猶童
覽鏡思妍媚
摘白整冠巾
謂老真可諱
不知齒牙脫
還復可留滯
憶昨爾初生
玉白銛鋒利
相從能幾何
竟作鉛刀廢
得非本根撥
無乃言語累
初危冀猶安
凜凜憂爾墜
及茲兩決絕
忽若還重寄
投非東窓

梭去作下坂驥從茲慎語笑至理得深契

二月廿日貢院中作

今日不樂是何辰千花萬花明上春洞庭明月湘江水

望望風帆思故人

予三八禮闈弘治丙辰已未充同考是歲濫竽考試

陸希哲下第注臨江推官與之酌別

婉孌峰頭片玉明餘光千古落東城才名泮水誇年少
宦業雲衢屬老成五色共知經眼誤一尊還許對花傾
向來萬事皆蕉鹿聽取西江訟理聲

先師友蘭張先生祠堂落成其子公佩來告將
別賦此祠在斜涇之陽超果寺之西南廡即
舊之學舍今主僧道俊所作也

蕭寺同游五十年京華一笑兩茫然流光如此可復幾
朋輩到今誰更賢舊業齋房聞再整新祠蘋藻亦粗涓
臨岐不盡追攀意總在斜灣落照邊

送周成德知養利州壬子同年

古嵩山下之城安井落參差畫裏看黎庶幾年占得歲

朱幡此日快憑闌才名豈必慙諸子忠信由來重百蠻
合浦明珠連穴乳大書行見石崖刊

中元謁陵三江以詩送次韻留別時連雨初霽
逗晚鄰鐘忽報晴已拚三日踏泥行攀髯空復隨鷓侶
奏賦誰當擬墨卿紅日仰瞻三殿覓浮雲莫遣四山生
奉辭却恐題詩誤把筆頻教候啟明

郊行涉淖屢瀕危殆晚憩鮑監南齋用前韻

久晴思雨雨思晴晴日依然是雨行屢涉泥塗愧輿阜

敢誇軒蓋後公卿良苗近甸高低滿王氣諸陵日夜生
細聽白頭宮監語劫灰何必問昆明

擬謁秦陵不果還宿僧房再用前韻

斜日長林散晚晴羣公西上我東行空瞻洛汭歌神禹
無復甘泉扈長卿石馬風煙悲古道玉衣絺繪儼平生
愁眠更覺宵天永滴盡銅龍未肯明

又絕句

甘雨和風十九年羣生長養不知天

丁未即作至乙
丑正十九年橋

山厥有神靈衛莫問風沙與水泉

題三江所藏呂紀畫鷹

千峰無雲秋氣高獨樹倚壑風蕭騷
蘿蕩翳蒼青黃交飛泉觸石迸山腰
奔流十里怒未消絕壁仰視愁猿猱
黑鷹孤騫不受條耆爾下集疑衝颺
雉驚兔走鼯狐嗥老巖岨強倚窟巢
呀喙睽目為矜驕兩雄自古忌相遭
欲動不動心俱勞丹山有鳥文九苞
梧棲竹食韻蕭韶朝陽獨立萬羽朝
吾欲良工運彩毫恰有十幅鵝溪綃

游溪宮諭省覲歸賦詩未就而別八月七日禮

部南齋獨坐悵然有懷足成奉寄

鐵遂風前早識君

先生舉奇童時有鐵遂詩

還從石室見多聞珪璋

世與連城價鸞鳳天成五色文春酒玉尊催獻壽夜筵紅燭感離羣停雲又入西堂夢不道仙凡路已分

芙蓉書舍為甌濱宗伯賦

開元寺裏芙蓉樹曾見先生學易年好語盛傳三策後
高花獨出九秋前

先生領薦之歲此花以五月盛開

溪山賸有餘芳在

霄漢應多別夢牽，欲識舊題無恙否。
碧紗深護翠蛟纏。

先生善草

聖故云

定菴八十六歲詩

橫塘高宴復今年，八十六回秋月圓。
霜栢轉深雲裏色，醞雞空老峯中天。
夢隨白鶴周三島，坐想清風拂四筵。
平格自應天所眷，壽昌端的為誰偏。

有懷約齋先生用前韻奉寄

學海馳聲四十年，歸來霜月幾回圓。
春暉寸草俱無恨。

先生以母老 軒冕山林共一天鄉論古今西洛社壽觴
六十致仕

先後北山筵題詩轉益尊鱸思久矣諸公樂事偏

膳部主事林貞孚告歸為令祖泉山翁壽

我初從仕來京國泉翁六旬頭尚黑明年翁壽八十五
聞道康強只如昔蓬瀛巖邃壁水清玉衡金鑰重兩京
豈直文章師後進實有勲華流汗青海天諸山玉削成
重崖疊嶂通仙靈高雲可望不可即時見一鶴橫青冥
西風八月鴈南翔孫子錦衣稱壽觴九重似有非熊夢

還擁蒲輪朝上方

胡仲申錄囚過家索詩為尊翁七十七壽

又是江鄉一度秋依然霽色滿江樓

去歲壽詩曰
海天秋霽

緱仙

幾約吹笙會漢使真成衣錦遊碁局酒杯滋有味黃花
翠竹不關愁橫塘八曲傳詩例次第還應置兩郵

莊舜舉自京學出教平原子隨計時嘗止宿其

地客途風景宛在目中懷昔感今斐然有作

德州南下路茫茫猶記征車駐夕陽廿載宦程霜鬢改

九秋離思海雲長川原近帶齊封古芹藻遙分魯頰香
梁棟歲寒顛有待未須回首問鱸香

惟中太史出示先憲副所得東吳夏卿墨竹為

題絕句

太常寫竹時相向四君子

竹二竿與
兩君為四

懸之白玉堂葉葉

清風起

松江判府史君塘廡靖愛民民亦愛之董漕還

便道省親賦以為壽

洛川老人古耆英七十九年生太平室中益光年稍長
雲冠鶴袂長裙青斑衣五采雙鷺明五年從宦江南行
王程有暇許歸覲千里周道迂雙旌江南之政惠以清
民歌甘棠歌所生河陽板輿止偏侍亦有具慶無榮名
洛川之樂無與京我作新詩遙寄聲願言百歲齊不老
看取棠陰江外成

伯疇宮諭登第予同考春闈今年又得其子彥
式魁省試伯疇可謂不亡而予亦與有榮矣

彥式告歸逆婦俯仰慨然賦此為贈

兩入南宮二十年慣看鵬鷲上雲天一經不忝玄成後

片玉還留大宋先

彥式兄以諒未第

瀛海木天虛夜直彩屏紅

燭待春筵經綸事業今方始未學相如駟馬旋

憶李文正公次崔世興符臺韻

碧山投老始成遊總為昭陵土一抔片語不留身後計
一生長抱域中憂人非金石誰千古世有神仙定十洲
欲識姓名傳遠近遙天星斗大江流

又見青山雪後童

公前歲席間
贈詩句也

神游何處躡星虹
無金

可鑄春風象有筆難形化雨功
洛社衣冠觴咏裏孔庭
詩禮笑言中追尋不覺成
今古猶對遺編望小同

百川至海圖為太常楊典簿題

座主治齋
先生之婿

百川起西北浩浩東南馳
東馳日夜不一息共指滄溟
同所歸崑崙與蓬丘相望
萬里何崔嵬泯然一氣交
灌注餘波直浸扶桑枝
扶桑曉日流虹光正照君家清
平逸老之高堂堂前嘉樹儼成
行紅蘭紫蕙共芬芳十年

京國勞夢寐一日海上塵襟涼翻思年少馳騁日却似
川流初濫觴川流學海竟到海君意更比川流長百年
纔半未為老浮天浴日何可量勸君一卮祝君壽康蓬
萊清淺我不見海籌十屋畢竟成荒唐但願清平老人
百歲長無事與君終日擊壤歌康莊

寄王世祿指揮

君來袖裏有雙魚

蔡衡仲編
修有書

君去匆匆不辨書憶別正

當梅發候相逢長記鴈飛初淮陰功業人非遠卻克詩

書味有餘雲路諸公盡青眼爭教甃社久遺珠

君父某公讀書

好文毛三江宗伯陳東沂司馬皆與之游

次韻顧德章冬夜失雞

望斷城南尺五天赤冠金距故昂然江鷗日落猶能舞
塞馬風高不受牽飛入五坊應賜錦夢回三市已登筵
明年許我山中去爛煮黃肥醉謫仙

葵軒為陳錦衣彥良賦

有後引

長安四月花滿城葵花獨自向陽傾赫曦當午輝四溟

垂輝弄影照君庭
庭下千花團繡楹
紛如玉節間紅旌
儀鸞退直花下行
日華相蕩錦衣明
日也有時經洞冥
此花向日無陰晴
秋風花謝子還成
明年向日還層層
我來看君花正榮
徘徊軒砌有餘情
作歌為爾傳嘉名
君不見金張七葉空
富貴惟有葵心一點
可與金石垂
千齡

彥良雖官要近恂恂
若書生逆瑾時逮捕
大臣于江南同行者
資貨狼藉而君獨蕭
然大臣後得白

君適卧病以百金助藥餌不受士以此多之君弘
治間嗣職至今猶百户云

臘日雪次彭幸菴去歲午門燕歸韻

瞭然天意不須猜向日同雲曉未開瑞木又飛前度葉
金莖不賜去年杯愁心欲遍天涯草遠信誰傳隴上梅
極目賀蘭山下路幾時風雨淨氛埃

車駕方北巡故
望邊塵之熄

三疊東曙麻字韻

酒熟牀頭不用賒美人何處誦南華千門欲動王孫草

三徑猶存處士花

有白菊自九月初
花至冬半猶鮮茂

林壑幾時還窈窕

乾坤今日本清嘉
閒來會得環中意
未遣愁心作亂麻

看牲回聞賜迎駕
衣喜而有作

紫壇黃道直如絃
玉宇清宵月正圓
北向星辰環斗極

南來騎火燭天田

先農壇與
郊壇對

禮從滌濯嚴先戒
官忝寅

清愧昔賢獨喜迴
鑾消息近錦袍
明日賜樓前

送李龍臣分教吉安

故人選作儒官去
還自當年一布衣
老矣詩書方有味

舊來朋輩覺全稀
經綸已識從心始
功業誰論與願違
努力西江文物地
竚瞻鳴鳳起朝暉

黃坡儲君視其弟麗中於翰林河冰既開索詩

爲別時戊寅正月也

黃溪溪上一坡斜
茅屋青林暎白沙
摩詰輞川空見畫

文卿華谷舊通家

儲泳字文卿號華谷元詩人也

懷人夢繞西堂草
爲

客春深上苑花
容易北來容易去
看君何必泛仙槎

即事和三江

塵沙日日起春陰縱有紅芳未許尋正爾眼前憐蛺蝶
雙飛無地不園林

張元瑞司寇乞歸覲不許命有司存問諸公皆
賀以詩予亦同作

紅纓白羝雙作牽綠尊縹醴黃封全尚書傳詔太守宣
車騎雜還隘里廛天子敬老還貪賢安陽未得畫錦旋
高堂齊壽百福駢錫爾難老加蕃延老臣再拜舞堂前
臣身踵頂恩皆天天念臣息臣預憐餘生何以效塵涓

聖朝孝理萬國平叶山林無事日高眠但飲春酒歌堯
年

月溪行送楊士宜

黃龍浦南明月溪溪水帶月流清輝明珠百斛自天瀉
白虹一道無聲馳涵清毓秀無與泄君家草堂偏得之
百年流澤潛灌注森然玉樹生階墀伯也早躡青雲梯
接武仲季連孫枝孫枝晚出秀而整竄立青瑣增門楣
河陽白雲忽在念回首却望溪堂歸是時青春三月暮

溪柳綠暗飛黃鸝入門喜色可想見萱枝玉珮扶重闈

留司禹鈞面丹渥

君父仲玉主
南京吏部事

西川孟博垂金緋

君伯
父也

池邊芳草林下竹三年不見情依依人間至樂亦有幾
如君況是青陽時都門送君酌君酒感我雙鬢秋蓬飛
君不見谷陽城南瑁湖上垂楊一逕通幽棲五年夢想
不可到極目松梓空煙霏諸孫長大兒子老相將不辨
其與誰盛年一去難再得好事入手無濡遲酒闌君去
我獨立遙見江路飛紅旗

石齋為閣老楊公賦

萬書插架簾几清朝回燕坐百慮澄是為石齋公所名
公意本自義皇經人生有欲隨顛冥惟介乃立靜乃貞
介焉如石靜以確一字可以終身行先生讀易五十載
神明久在筌蹄外細看華榜揭修楹正似武公歌懿戒
巖廊特立表縉紳嵩高峻極華嶽尊三神不隨巨鼇抃
一柱獨止洪河奔十年黃閣佐萬幾矢口應筆皆天機
昭回何止飾萬物大有甘潤蘇癘疲名高位重心轉下

時復青山夢迴駕向來一去四海嗟况此焦枯正炎夏
介于石斷可知公今豈是丘園時平泉往事可一笑仇
池雪浪空崔嵬須公輔佐太平了還賦此石歌公歸

東亭用三江韻

高亭屹立省堂東碧瓦朱闌面面同花日靜熏暘谷暖
竹風清散楚臺雄無多簿領畫如歲有赫文光夜起虹
題字主人今北海玉尊從此不教空

過海子橋張氏舊居作

水邊楊柳映樓臺樓上紅窓面面開風景不殊人事別
夕陽沙岸首頻回

絲瓜棚成次三江韻

絲瓜生而蔓蔓緣棚着花棚成蔓斯衍蔓遠實轉加松
檜喜巖峻蘋萍樂卑窪巢禽與穴蟻各自寧其家東亭
富闢楮宜乏援與筴先生太古心夙昔厭紛奢故將丘
園景點綴幢節衙縛葦架樗柳連棚成咄嗟棚材有歆
直瓜蔓從猗斜坐看花葉重紛如瑜揜瑕朝章重綺繪

野服便葛麻潭潭春卿居鉅麗兼清華高薨綠槐覆瑣
戶紅簾遮中間忽着此豈不心境遐看花金錢大食實

冰蛹嘉嫌名幸毋諱去垢終無邪

昔人有公座食絲瓜對句以絲為私也瓜

穰去油膩故云

沙河主人後園棗實甚繁感而有述

牡丹紅徑尺一敗即空枝棗花大於米結實反纍纍世
途爭外驚銜巧復矜竒儀衍雄辯說潘陸誇文辭華藻
炫絀素聲名傾一時終然木強子銘功漢鼎彝

天莫雨

天莫雨雨濕衣雨自濕衣人不知昨日往矣今復茲人
而知之寧弗思人苟弗思嗚呼雨兮空爾為

地莫水水襄陵水襄陵兮人不得耕人不得耕連厥百
萬誰與盈捶肉及骨寧爾矜人苟弗矜嗚呼水兮空復
情

孫員外性甫奉使過家為其父雙泉翁壽翁以
建寧推官致仕

閩海歸來萬慮輕
雙泉風月舊同盟
于公治獄天留慶
韋相傳經世有名
得意雲山千嶂繞
上堂衣繡五花明
期頤亦是尋常祝
要看瀛波到底清

題子淵內翰所藏畫冊

高樹帶秋色
扁舟移晚涼
蘭橈經過處
細細白蘋香
往時波上人
今為林下花
相對默不語
清心玉無瑕
踈篁倚長松
煙梢拂空碧
下想有佳處
俯視空歎息
崇臺出林表
前對萬仞峰
坐久羣籟息
遼天起松風

東濱為陸鴻臚文東賦

東江南去接東湖湖上人家畫裏居綠樹映門皆合抱
清波動影欲侵裾詩書並沐明時寵山水遙連故國餘
何日扁舟遂歸志西風相引釣鱸魚

題東濱父子趨朝圖

先皇龍飛登俊英歲在庚戌君飛騰甲戌今皇臨大廷

郎君接武振華纓尚書光祿郎而卿君自禮部郎
進光祿少卿分曹

右選參本兵君之子元望
為武選主事天門曉開日未昇紅霞紫氣

繞觚稜玉街無塵青引繩冠裳佩履儼徐行前者長孺
後元成小夫雅願止金籬君家世德遠有承華亭啟土
紹嘉興貞元相君尤有名崑山婉孌谷水清詩書疊疊
來雲仍紛如玉筍間瑤楨朝廷有道四海平鳳將九子
不足驚畫師不憚理丹青我老猶能繼頌聲請君多買
鵝溪縉

次韻水村書王山農梅花詩後

少年衝雪探梅時那識溪山有險夷今日短筇遙竚立

無言空詠老農詩

老農應未興全空猶有湖船倚短篷待得春風消息透
六橋都在暗香中

定庵八十七詩

一番詩歷又新年八十七回秋月圓桂老欲飄雲外子
鶴飛不盡海南天成仙自有松喬骨問道誰當杖几筵
遙憶慶堂簪珮合蘭橈重繫竹西偏

瞻栢堂次韻為東溥石先生賦

搖落川原萬木枝
太行西向碧參差
曾經彩鳳回翔地
長似甘棠蔽芾時
風露廣庭天籟迴
郵籤高閣午陰遲
封培不盡思賢意
欲起韓侯重賦詩

次韻送馮濯菴亞卿扈從巡邊

祖道衣冠盡列卿
早涼天氣獸袍輕
飛龍正協防邊令
司馬新兼足餉名
紫塞封疆猶瀚海
紅雲城闕儼神京
王師不作犁庭戰
須使遐方識聖情

出郊書所見

危垣高樹接重城轉入前村路幾程總是貴人行樂地
隔林斤斧尚丁丁

少小生來少小榮人間辛苦不曾經新墳數仞青山下
大字穹碑表姓名

絲衣駿馬踏塵輕相見無勞問姓名白髮五經林下客
何曾一日似君行

寄王質菴司馬

片玉峯頭一鴈飛龍江灣上錦衣歸向來西洛空圖畫

金史四庫全書
卷十四
今日東山果是非物外幽尋嗟我後眼中完節似公稀
菊花歲晚開應徧誰共攜壺上翠微

送錢子中赴南監

西風浙瀝吹衣裳天衢回首江雲長平生拾芥看朱紫
半醉拂劍飛冰霜龍山朝日自佳氣石城秋月還清光
明年此時桂花下路人共指磚橋郎

長安道中見菊調李序菴

九月欲盡十月催到處黃花爛漫開西園有花獨不放

直要淵明攜酒來

友人李民畏別號鶴峰嘗欲予作詩未果也烏傷之任別有日矣為歌以送之

鶴城九峰俱有名後來鶴峰名更清鶴峰只在九峰裏
題品往往由先生鶴峰鶴城相對起煙水四週三百里
峰前一徑畫圖開翠竹碧梧清似水先生藏名三十年
鶴亦周旋雲水間一聲此日徹天上回首翻愁蕙帳閒
蕙帳閒兮猿亦驚作歌為爾謝山靈不須馳煙向驛路

不須移文到山亭君不見九苞鳴鳥本在丹山外終為
簫韶儀舜庭

對雪次未齋宮諭韻

未能高臥學袁安頗憶星堂酒斂寬尺素忽來江外鯉
虛庭正舞月中鸞盈盈似欲窺簾入密密誰從着手搏
散滿川原銀海溢望迷城苑玉樓寒梁園賦客愁無寐
金帳佳人坐損歡驚陣可容還再擊絮裘渾已不勝單
爐頭楮拙燈明滅枕裏梨雲路香漫剝曲夜山通四望

潁陰初日耀三竿清游此地堪乘興白戰當年故有壇
我筆純矛逢利稍君詞輕艣下平灘西池古調悲黃竹
南國新題想玉盤

李紳鎮揚州於臺
盤中命題賞雪

早晚青陽散重沍

依然火繖覆炎官

己卯新正二日沈仁甫自滇南寄新刻古樂府
至中有所會擬作一首

金尊美酒思共傳朱絃玉琴思和彈傾河赴海不復還
崑崙東下波湍湍憂來無端不可刪青燈照人愁夜寒

夜長漫漫殊未闌
高樓管絃聲正驩

定菴兄孫從哲之官便道還家賦此豫壽

班行驚喜問公年
八十八回秋月圓
詩律開元大曆際
園亭綠野午橋天
山田熟後酒盈瓮
海鶴來時客滿筵
遙望慶堂疑可見
壽花重壓鬢絲偏

定菴寄詩賀六十次韻奉謝

入眼新篇玉映金
揮毫如對草堂深
後生日月真虛度
前輩文章自古心
洛社何年侍鐘鼓
吳田頻歲苦霖霖

頌公乞與長生訣免使霜毛上玳簪

時謀歸不遂又
聞鄉里歲稔

精膳郎中侯綸母張宜人壽七十

五絲蹙雲雙帔長珠冠翠玳明兩瑞早年身侍兩姑傍
良人執戟戍邊方齊眉舉按上高堂夜燈課子青藜光
良人已矣諸孤昌大者名在六郡良小者南省尚書郎
諸孫階下儼成行瑤環瑜珥間珩璜花前迭進奉霞觴
花枝拂簾風日香人間總謂天茫茫有如人斯天豈忘
新年七十鬢微霜藥餌不御身康強門前晉水春洋洋

謂君釀取酒千缸君家此樂殊未央

送張豫卿赴汝寧推官

淮南淮北萬重山懸瓠城高紫翠間月旦有評鄉俗美
農桑無隙訟庭閒青雲驥足當千里紅日龍樓在九關
好竭明清贊欽卹對花翹首望君還

元夕未齋席上次趙類菴韻

合有新詩記此朝好天良會故人招千門華月春如盎
三日東風凍已消銀笺酒香分錦荔綵屏燈影亂虹橋

只應不及雙龍輦飛上鼇山聽鳳簫

時駕在宣府

僕永感人也今歲生辰又值亡妻百日顧文宿

兄弟求王宗顏詩寄新酒及仙山松鶴圖為壽以前三日至覽之愴然遂用其韻

白髮蕭然懶孝先黃庭讀遍不成仙懷人舉目三星在撫事傷心五鼎全幸有好詩傳美酒轉添愁思入新年

何如置我西湖上一醉田家錦樹筵

嘗為文宿兄弟賦荆樹同春詩

初度前一日有感

金史卷之八十四
卷十四
君年六十我為壽六十明朝誰壽儂歲月不知人事併
兒童剛道酒杯重牛眠未了山頭事蝶化難追夢裏蹤
惟有舊時明鏡在一番惆悵掩芙蓉

送顧舟卿便道省親用別張豫卿韻

出郭依稀見海山君家元在海山間梁鴻德耀賢相配
谷口襄陽老更閒紅樹拂雲明翠節黃花隱戶隔松關
此中便是神仙宅何必靈砂訪大還

送陳子文

昔年倚櫂清江浦兩岸丁丁沸斤斧漕舟歲計動逾萬
此地尋常當七五年深法久人情翫弊孔紛紛勞葺補
君今捧檄向淮壖正是青雲初著鞭相逢數語盡肯綮
平生經濟豈徒然唐家善漕稱劉晏第一造舟推廟算
綱條寬衍物力紓費止一時人永便今人何必非古人
今代文襄晏後身連雲大厦須營構試手江邊聊看君
齋居覽菽園雜記有感呈三江

東觀綉書共幾篇南宮題草又三年風流未敢忘前輩

名姓多應愧後賢

記稱諸司奏事不能堅執有不
可多取自上裁遂致權移左右雲裏

泰階星近遠天涯歧路草芊綿夜來夢好君知否一權

扁舟野水邊

次韻三江賜玉有述

團雲瑩潤截肪齊親見承恩出禁閨不比蘭支汎鷓佩

直從銀賞到金犀

三江及第賜銀為洗
馬賜金二品服犀

餘輝畢竟還瀛

嶼珍貢遙應度合黎九十武公方德進循牆無事首頻

低

吾鄉先輩勇退急流者二人憲副定菴先生令
八十八憲僉一齋先生今八十四予既數為
定翁賦詩而憲僉不及非闕典歟何生行賦
此以謝不敏且為他日鄉邦故事云

金沙西涘白雲東

定菴居細林山金沙灘
在其下一齋家松城東

鶴髮蕭然兩

壽翁月旦並高諸子論衣冠相望古人風雪中松栢寒
逾勁露下芙蓉晚更紅一曲長生何日聽詩成翹首向

飛鴻

過崔茂仁都尉東齋適其子鳳徵生日壁有仙人騎鶴圖三江為題絕句予亦同作

平陽宅裏看圖畫想見王孫毓秀年應是玉真親抱送
還騎一鶴上寥天

讀涯翁來鶴樓詩有感用前韻

江樓南下水茫茫遠客歸心鶴共翔丁令不來華表柱
左卿今老白雲鄉斑衣舊竹應千个綠髮新松定幾行
獨倚危闌送孤目海雲真與暮天長

沈石田畫為敬所閣老題

桐樹江頭夏日長
沈沈水色暎山光
幽人倚立桐陰裏
消受閒邊一味涼

經綸事重國恩深
心憶青山未許尋
忽見石田新畫障
一時高興滿雲林

神仙上界猶官府
清世閒行有幾人
了却鹽梅霖雨事
還公林下水邊身

保寧何重器嘗通守松江以福建鹽課提舉致

仕其子鑿鑿入太學頻辱惠音且存問吾鄉
故舊甚悉感其雅情賦此奉寄

錦屏山北閩州城心識君家到未能萬里有情傳尺素
一時回首共青冥雲階接武人如玉江寺尋春酒似澗
若問吳鄉舊游伴夢回東望曉天星

東亭之東有叢竹竹外有松望之翳如也三江
移竹於北牆而分其半植之南軒各賦一詩
因次其韻

東牆飛來兩青松北牆新篁陰更濃
主人有意物兩遂鳳自鳳兮龍自龍

五月一雨醉湘筠江北江南路不分
月明夜半鳳雙語主人髣髴東亭君

也適軒寫懷和水村冢宰

達人任真性於世鮮求餘山林與城市所在靡繫拘
孔明南陽日棲止一草廬及當將相權藝桑不千株
走也林壑士塵途失東隅方將策駑蹇而與飛黃俱
長夏平

津館文酒共清娛投之金玉章重以來禽書一吟消暑

溽再玩忘時虞

方有兵事

飛雲當我前不去兩跼蹶緬懷清

池曲水華應遍舒餘歡似許續將子問何如

先是小集軒中有蓮

開重會之約

送玉峯少宰之南都兼簡東川太宰用三江韻

滿屋圖書散未收西風日夜趣仙舟回看玉署希同輩

君久次翰林

却望金陵感昔游鵬翼共知前路遠菊花應及

到時秋東川坐裏從容語霖雨于今合九州

車駕親征江右命濯菴行北邊再用前韻寄贈

荷橐甘泉陋長卿前驅聲裏鐵山輕

濯菴登遠茹鼓振作甚盛

皇威

廟略咸無外北伐南征並有名秦塞百城兵似月周原
千里稻如京歸來合奏平邊頌不寫陽關惜別情

送柴德美給事赴南京光祿寺少卿

涼颼動城闕時序忽以適駕言適郊墅曠漭增離憂離
憂將奈何賴有酒盈舟俯傾一杯淥仰視高雲流物色
既如此君行安可留轂下有遺直江東非遠游鄉園自

密邇山水復清幽願保金玉音以應同聲求

蔡東軒都尉六十八有詩自壽次韻為賀

十月廿四

也日

身與瑤姬並得仙蘭枝同秀玉同堅車輪幾從三山駕
鞦韆曾分八繭綿沁水林園今孰盛晉卿文采世爭傳

小春明日長生燕遙聽鸞簫又隔年

去歲公開燕召
客予以事不赴

竹軒為黃處士題

其孫英讀
書善星命

山翁滿山都種竹竹裏開軒面面山何處更容塵土入

有時遙送嶺雲還
詩書偃仰遂百歲
霄漢飛騰任九關
報道春風消息好
孫枝又長籜龍斑

冬至謁陵次三江送行韻

初陽映雪暖欲蒸
千門瑞氣通諸陵
朝廷報本嚴奠掃
秩禮遠自前王興
秋霜春雨意慘慘
奩香筐帛心兢兢
高皇統天祀萬世
奮自壠畝揮戟矜
兩都並建始文祖
鼎命重為諸孫凝
傳聞橋山初啟邑
鸞輿玉趾幾降登
小臣何幸得將事
敢論暑雨仍寒冰
經塗百里淨如掃

輿夫踴躍誇力勝迴龍小憩纔半道瞬息已覩洪仁燈
入門弛擔隨所適東寮西館各有朋山僧頻見頭亦白
為我載演牛車乘寒光凌亂入窓戶起視海月摩空升
瑤宮銀闕自萬古雖有晦蝕無虧增嫦娥悄立如有恨
欲斬桂樹嗟誰能齋居元不礙酬詠公詩險語何層層
磨崖擬刻永昭頌挽斷千仞寒谿藤

歸途再次韻

燎炷長煙升爇蒸百官星擁橋山陵鸞車龍馭想戾止

玄雲鬱勃中天興六飛南巡知近遠為感歲時還惕兢
江淮民力惟國本先皇子育多愍矜烏號空抱鼎湖月
血淚幾與山泉凝翻思年少上陵日隔城望山飛欲登

來時不愁沙河漲歸路曾踏章村冰

壬戌冬至祀畢樂
志學士邀游冷泉

莊夜失道與今熊峯宗伯徇西
山行過南北章村凡三四涉水

年華不留心獨在踞鞍

十里已弗勝出山望城喜月上騎火夾道如春燈化人
樓殿鎖寥寂金碧斬新無與朋茫茫綠業誰為考無乃
劫運相憑乘再吟嘉贈擬賡屬一韻費酒幾盈升我才

白髮梳漸短君思川流來日增聊將歲月紀行役敢與
斤堊論工能塵途紛擾又三日岡壠下上應千層明年
再到知健否歸問老韓尋赤藤

道中大風揚塵戲為四語清河飲劉錦衣莊因
足成之

西風吹塵日何之濁河東注無歸時崑崙常高海常下
萬古不解癡人疑蜉蝣生盡一日樂益嘗死有千年悲
此言堪笑亦有悟酒到但飲無多辭

道逢喪車有感

鏡丁丁鼓冬冬輓且歌哭以從短簫間歌起悲風歌者
會有哭哭者會有終白日西下黃河東此歌此哭寧終
窮惟有柩中人一去萬古長曹曹

次韻答申天錫都閩

憶在嚴城聽霜角青綾坐擁燈花落將軍喬本申包胥
部曲勇過王鎮惡腰間龍紋七寶刀壯氣直與燕山高
誓將沙漠靖狐鼠肯為班行論鴈羔詩來遣我懷南浦

一片旌旗送笳鼓，儒生為將今幾人。
解與三軍道酸苦。

天錫武舉第一人
時守備天壽山

次韻望居庸

連山限夷夏，中斷出奇雄。
絕地蟠金鎖，橫天結翠幃。
塵沙飛不到，羊馬貢還通。
今日班司馬，誰銘瀚海功。

亡宜人生日有感用乙亥歲韻

象服遺容故儼然，總帷尊酒又殘年。
臘月廿四日也灞陵共隱


嗟予晚宜人教北郭安貧藉爾賢，千里關河愁跋涉。

勸子歸

封雲壠待歸全
城薤露篇

擬以開歲令
三兒扶櫬歸

鹿車本約山中賦翻作東



東江家藏集卷十四 中集

欽定四庫全書

集部

東江家藏集卷十五

六

詳校官監察御史_臣龔駿文

中書_臣劉源溥覆勘

總校官知縣_臣繆琪

校對官編修_臣周瓊

謄錄監生_臣王思恭

謄錄監生_臣李培賢

欽定四庫全書

東江家藏集卷十五

中集十一

明 顧清 撰

北游稿

詩六十首

庚辰正月過海子橋望西山晴雪爛然

湖橋柳色已津津回首西山潑爛銀
天意自知寒不久併將竒麗作新春

敬亭見和山行有李杜齊能之句雖主押韻而亦非所當也因歌奉答拜寫近懷

梧櫟不雜中林蒸詩人以來稱杜陵公才本高心獨下
退與元白圖中興山行一篇如見我捫蘿踏雪幾凜兢
時從雅淡出奇麗少年斂手不得矜三陽改歲萬物泰
和氣上與游雲凝清河沙河柳色動近山已有游人登
南飛六驥想回首足底不見陰山冰甘泉荷索事已遠
洛橋軻車材弗勝破除寂寞賴公等往往郵筒侵夜燈

朝來雪篇更雄富無復珠貝論升朋五湖煙艇未許上
灞橋驢子還堪乘已聞羔韭畢春祀佇見柴燎中天升
平安夜火報不絕似有車騎來增增蘭臺執簡公未老
長楊奏賦吾猶能掃妖滅恠止一筆取青媿白應千層
眼前却有兩物惱中山狡兔剡溪藤

春雪敬亭用前韻再答

西山落日雲蒸蒸漫行澗谷彌岡陵曉窓夢破聞掃雪
失喜一笑披衣興天街大有隔歲伴羸馬前日猶凌兢

常言三白兆豐稔民病亟矣天須矜從風初學柳絮舞
綴樹旋作梅花凝素娥晨朝紛下女玉龍夜戰迷先登
瓦鑪煙焰坐不暖起視膽瓶膠作冰前年冬溫人苦疾
往歲雨多苗弗勝新春得此喜可說光景十倍鼇山燈
忘懷一任鴻寄跡耐久正愛霜為朋淮西剡曲總佳話
萬騎孰與扁舟乘愁來呼酒徑一醉斟酌不計斗與升
長安薪炭已如玉又報米價江南增

是日有
鄉人至

開門高臥

吾豈敢手挽溝壑嗟無能登樓望山一舒嘯銀屏玉案

高峻層何當致我此中去看煮雪茗燒枯藤

十二日會東亭三江舉杜韻各賦

曹騰十日春光裏又到東亭把酒時餘寒勒雨強作雪

東風蕩柳欲成絲

是日大雪而不寒

氣序暄涼催旦暮路歧南

北有歡悲尊前且莫思閒事滿眼鶯花總要詩

生日三江石潭攜酒見過且以詩補壽六十次

韻爲謝

生辰何幸偶羣龍一笑吾翁若亦翁為涉歲年知冷暖

懶從著歷問窮通能詩未許澄江眺愛客何妨北海融
看取向來歌舞地玉梅零亂綵雲空

前十日收諸權侍
家歌兒舞女載道

丹砂未就鼎中龍黃歷頻催鏡裏翁韋曲園林三月夢
蓬山舟楫幾年通燈花入夜偏能喜鬢雪逢春可得融
為問此時公不醉百壺留取待誰空

鄉年友程御史良用子然隨計來見喜君之有
後而惜其年之不永也詩以弔之

相逢問訊一悲涼回首江雲宰木長千古交期只文字

百年心事有冰霜身因許國終羈旅

君歿於浙東行臺

天以餘

忠付兩郎高臥九原無復恨此生曾不愧冠裳

送甌濱謁陵用三江韻時方南征

奉禮晨趨左掖朝鳴鑾回首屬車遙
神靈灑滌瞻如在氛祲江淮坐已消
迎燕暖風初應律壓塵輕雨不崇朝
光明更有西陵月偏照宗臣奠桂椒

壽韓司徒貫道

洪洞老仙初八十曾見垂紳立大廷
風雲一變嗟人世

林壑三秋即幔亭黃髮正宜松菊伴紫霄相續鳳凰翎

公諸子皆在仕途

欲知後進瞻依切長傍弧南候景星

四月十三日同時敏送仲玉景和歸途有感作

漠漠輕雲淡淡風御溝溶漾落花紅一番離別中年後

千里河山夕照中垂角故人霜兩鬢

時敏景和皆童稚交今皆老矣

闕

心歧路草連空歸來稚子迎門笑何日親交送阿翁

時求

歸未得

酒熟招時敏及諸貢士飲用其韻

青杏林間臘酒開
綠蘋江外故人來
客身無病心無事
有約相過不用催

定菴壽詩

明年詩社合
更年八十九
回秋月圓
紅燭猶能暎
細卷

烏紗曾不愧
青天三更海
鶴通仙夢

公去年夢人抱一
鶴貽之明日予寄

詩通

八曲鱸魚上錦筵
獨拜尊前知有日
客星今列五

湖偏

已得冊封差待
駕回發命故云

走筆和時敏客中寫懷

擾擾蚊蚋倦撲緣欲將朝槿待椿年清江白石風塵外
鳳閣龍樓日月邊騷名駒爭駿捷修羅天女漫雄妍
落花芳草天涯遍回首千門一悵然

出郊

小隊黃衫簇絳燈春來幾度出郊行桃花結子楊花盡
只有蘼蕪滿路生

五月朔大雨新霽瑤空湛然西山翠色可挹
雷雨千峰過乾坤萬里清天街一望無限古今情

和時敏病中寫懷端午日作

紅芳滿地綠陰殘
風雨中宵送曉寒
有客靜邊時得句
幾人忙裏欲辭官
且斟內苑菖蒲綠
休憶炎州荔子丹
君先任
閩中看得此身同逆旅
不妨隨處託交懽

明日看牲回作

塵沙不動午風輕
時頻日
大風閭闔西垣小隊行
白日正當

龍尾道青山故繞
鳳凰城舊看牲夕
往宵還虞郊玉帛羣靈格

漢帝旌旗四海平安得
升中告成事萬人歌舞入瑤京

席仁同黎一卿許伯誠三御史出巡與之酌別

新雨長安不動塵
聯翩驛騎向江雲
更生舊業留天祿

三君皆以庶吉士除桓典清風肅惠文
鏡裏秋毫知歷歷
壁間幽

蠹漫紛紛還朝別
有嘉猷獻四牡
皇華是昔聞

綸褒晉錫卷賦者甚盛
劉紫巖學士序之要予

同作

文武聲名簡帝衷
璽書頻歲策戎功
不留片壘風塵際

衛兵邊帥皆南征北伐遠塞亦異事也盡屈羣猷指掌中
事皆專斷同壯列仰成而已

士偃戈眠細柳詞人操翰擬彤弓南征別有殊恩在早
晚鑾輿入漢宮

和伯明大理舟中見寄時考滿南還

岐路長亭復短亭斜陽望盡草猶青忽驚錦字雲中下
如見蘭舟柳外停西省綵衣人似玉

乃子于岐
在刑部

北堂眉

壽鬢初星鄰盟定許重來續夢裏時時接鳳翎

時敏將赴宜春以詩留別次韻為贈

南北舟車日往還朝簪無奈鏡中斑一杯復此送君去

三徑何年共我閒長谷煙波增悵望仰山雲木待躋攀

春風坐裏從容地不似韓公始抗顏

時敏嘗教長沙建陽改令任

王子儀將赴南京中府都事與乃兄子貞中舍
來別賦此兼簡成國朱公

少傅優游綠野春郎君連步上青雲螭坳簪筆瞻天近
戎幙依蓮惜鴈分慶歷朝廷方偃武琅瑯子弟並能文
中軍况有詩書帥橫槩風流未足云

楊從龍鄭米東二給事鉤考邊儲臨別有贈

計省憂時紆廟略夕郎承詔出邊城八州分野占星氣
一路風雲擁使旌經國理財當世務登車攬轡古人情
微吟不盡臨歧贈佇想嘉猷答聖明

送倪郎中本端守南雄

越江才子南宮彥二十年來又作州

正德初京官不用
餘姚人君以庶吉

士出知
太倉州

畫戟去衝梅嶺雪青藜還夢玉堂秋邦人喜得

文章守蠻客應無匭篚憂心識晚成須遠到不勝離思

繞滄洲

八月六日會燕新守孔君時久雨忽霽喜而有

述

經旬苦雨隔宵晴童子張筵有笑聲
渤海正須龔遂去德星今傍五茸明
銀缸照席花頻剪采玉飛觴令始行
留取甘棠他日賦一杯先與慶西成

松江比歲不登數日來聞秋田甚盛

有懷味苓賦詩未就閏八月廿三夜夢與誦之
有所更定而不甚明了寤而足成

西亭橋下路逶迤中有幽人雙鬢絲
長年讀易懶出戶

逢人把酒亦吟詩
山田十畝自云足
車蓋滿城渾不知
何當便了閒居賦
為說推敲夢裏時

壽石為楊閣老賦

左掖連蓬島南山直上林具瞻隆
一代壽域啟來今參井垂光厚岷峨結秀深
精英應霄漢呼吸有晴陰紫閣凌遙跂
丹梯極峻臨為雲霈膏潤作柱定崎嶇
夕霧濡文豹朝陽集瑞禽芝蘭春掩暎
松栢晚蕭森入畫星分彩登歌玉振音
朋來崧華並禮絕省臺欽不轉惟恒性

長存是古心永宜邦國殿未受雪霜侵功業岐陽鼓文
章泗水金終期薦韶軫一奏午風吟

為前人賦存耕

邠風無逸兩青箱幾葉留傳到此堂

祖號心耕
父留耕

人在江

湖夢霖雨心將稼穡比羹牆三峰秀石宜高廩九月黃
花膜晚香擬祝遐齡自公有新圖留取記時康

送汪德聲御史按閩中

無諸舊國考亭鄉柱史乘軺代省方三山雲物歸攬結

八州風紀待恢張
掃除蕪翳要霜雪
濡煦槁瘁宜春陽
公餘別有天下喜
兩袖清風朝北堂

有感

了知非是不能忘
六十年來夢幾場
掩却殘書坐深夜
一燈依舊短檠光

厚齋閣老壽詩凱旋後作

瀛洲仙步接黃扉
兼總鈞衡贊化機
名德共推今日重
壽齡無愧古人稀
朋尊欲趁梅邊舉
橐鞬新經海上歸

一曲南山和常武餘音遙傍五雲飛

敬亭和賞菊聯句至十月未已次韻奉謔且為

芍藥尋盟二首

開緘奕奕見風神百過賡酬意轉新粟里黃花偏耐晚
謝庭紅藥已含春追攀未覺亭臺賔題品時應翰墨親
指屈東風寧幾日只愁無地著吟身

間梅依竹幾叢叢曾伴淵明醉屋東秀質自然天力與
芳香不逐歲華窮琴尊勝會留清賞旗鼓騷壇合順風

走遍鳳城車馬地幾人高興與公同

淑人大祥奠柩前用乙亥韻

忽忽流光又此辰此中何意復經春君應地下憐諸幼

頻年有嬰
孺之感

我合愁中過六旬五鼎不消明鏡恨一燈翻

憶布衣貧東風得與同歸便自斲青松蔭兩墳

同穴
之約

戲和石潭嘗酒

有引

茅柴陳卷擬立案矣而催札不已聊爾破白亦欲為
糟牀吐氣星運表祥而七步三緘之說皆不可不復

也

不惜糟牀劈作柴已呼兒子旋安排只愁新爨能幾榼
遂有高軒駐兩階永夜燭光鄰壁駭他年談苑幾人偕

細君不學劉伶婦晚出雙魚更自佳

石潭釀秫八斗而
壓敗予家酒牀無

遺力矣雙魚紀
實亦趣韻也

城西門掩夕陽柴剝啄尋常不用排况是新筭方滿屋
何妨曳履日登階愁來白髮欺簪短老去黃花有竹偕

既醉莫嫌詩晚就行年不似丙丁佳

來詩謂酒好由於
運好而予以詩好

亦由之丙寅丁卯君將來運也

無間登龍與叩柴酒魔詩崇要人排不衝京兆行春馬
便踏先生繫馬階桂屑擣殘猶自辣雪兒歌後許誰偕

君近納寵

逃虛避俗吾何敢正若君言也復佳

三江詩約嘗酒次韻

落落晨星榜下人芬芬麴米帝京春從教徐邈論賢聖
自識陳登有主賓霜菊未消金蝶粉畫松如舞玉龍鱗

紀實語

留連要看先生醉醉草淋漓逼晉真

三江醉乃作詩至草書則

大醉
矣

竹亭清節為胡大聲司寇賦

問君竹亭何處所言在龍山之陽荆江之澣

君分務荆州始作此

于公署

江水渺渺山青青水邊種竹中作亭山風時來奏

竽籟江月下照凝霜冰當時作亭亦漫爾人誦公清名

日起皇孫題榜鬱嵯峩

亭扁荆邱書

清風幾處表行窩武夷

山前溪水碧越王城上海雲多秋臺月冷霜華重心繞
南雲不成夢起來揮翰走新圖要我題詩作清閔竹亭

竹亭今若何自公來後幾人過
鴻爪雪泥增悵望石闌
苔逕想婆娑君不見召南茇舍
終煙草惟有甘棠一曲
千古被絃歌

春圃為醫士范鳳賦

爾家文正窮居日願為良醫惜不得
天章一日面重瞳
四海春風歌慶厯善救不遺天地功
一圃雖小春風同
圃也有窮春不窮往為爾祖閱家風

頌厯後謁陵過清河望僧廬有懷
蔡東軒郡尉

曾同襍被宿招提行役匆匆未有詩歲月幾新官歷樣
人家依舊小茅茨成仙合自蕭郎分撫景偏多宋玉悲
行過石橋猶駐馬此情應與故人知

涼水河東望

亂山深處小崢嶸匹馬曾經月下行古戍風煙通曲巷
野人籬落帶寒垆百年幾處頻遺跡他日何人此問名
回首夕陽晴更好碧煙橫帶永安城

戊寅送梓宮夜半
傳發循小山北行

先入陵崎嶇偏仄皆平日未嘗到
處蓋行殿臨河故紆曲以避之也

飲酒三首

憂來無端際雨雪仍霧昏家人饋我食有酒忽盈尊

午食

未嘗飲酒是日偶有之

此物本非惡此時情更欣一舉不計觴頽

然成暝醺生材古云難長養良亦勤夭夭中林植幾時
到干雲一朝困野火誰念空我園棄置莫與置沈思空
煩寃已矣當告誰悲哉無復論

烈火玉不變衝波山不遷人生亦何易俛首就拘攣昔
稱朝陽鳳今為腐鼠鳶所喪知幾何所希尚茫然愁來

不能飲舉觴酌蒼天王業思傳後蒸黎固無愆願生豈
弟人為時長才賢

生世苦不永遠期惟百齡勢位亦奚須要以吾志行志
意苟不立區區復誰營蠖屈禮與阜熊蹲視冠纓陪側
有慊從方間有靈明氓也各有心此理予所惜問之諒
未可酒到且復傾

辛巳元日和未齋立春有感

餘寒努力盡千鈞晴日簫聲已弄春即有落英粘舞袖

未須啼鳥勸游人江東父老談張翰谷口風煙望子真
試向釵梁看綵勝一番攢剪一番新

恩封豸繡為廬師邵父恒齋壽

神羊一角駿且靈心識枉直知姦貞因之遂有觸邪名
楚人作冠秦漢仍至今臺府表儀刑廬郎鐵面飛霜冰
儼然象服當明廷豺狼屏息虎遁形彼狐鼠者敢呶嚶
帝曰汝賢誰爾成往貽爾親予爾榮匪予之榮繫爾情
鸞書入山猿鶴驚林芳谷秀紛來迎吳絲緻密綵縷精

五雲灼爍千花明新年七十鬢未星夜燈密字還如蠅
泮宮吹笙歌鹿鳴石湖梅花連洞庭行來無礙出入輕
肩輿扁舟惟所勝郎君出使擁文旌吳船萬里上青城
朋尊獻壽舞前楹庭前堂上總歡聲他年犀玉麟袍頽
還想豸角高崢嶸

生辰飲酒用吳與賢韻時有所感走筆亂書不
計其無倫次也

青燈照案猶前夕病眼看朱頰成碧風塵浩蕩愁如海

如此年華尚為客今日何日心神開喜有新詩佐歡伯
吟君瑤篇酌我大白陳王藻思過八斗劉伶酒腸僅一
石長途漫漫竟何止直恐蝸殼黏高壁瑤臺何許空悵
望黃竹白雲同一拍尋思百歲等石火祇有塵編耐紬
繹長安春深冰雪盡和氣如雲葢阡陌樓卿飽飫五侯
鯖賈傅尚虛宣室席人情自昔無終盡天道由來有損
益彭鏗至老無千歲趙璧雖竒不盈尺但得四海同仁
壽爛醉康衢歌帝澤

淑人遷柩至祖送還書感八首

日日青山勸我歸，明朝為爾定歸期。
宵殘展轉不成寐，却悔當年下釣磯。

尋常白髮憐予老，今日青山獨爾歸。
腸斷不堪臨別處，還將好語慰孤兒。

此路同君兩度歸，歸時長是淚沾衣。
癸亥己巳皆以喪歸如今不

減當時淚濕盡麻衣，君不知。

路轉河橋客欲辭，黯然東望一沾衣。
來時記得停輿處。

茅屋垂楊映酒旂

癸酉入京至深溝僕抱幼子錦郎及雲孫于路左故人暫憩村家顧之懷

然有不知何日同歸之歎既至而錦
七淑人竟及此故尤不能為情云

三十年前二十時小窓燈火對鞦絲如今此意從誰語
頭白傷心只自知

長安初到憶搬家幼女嬌兒共一車死別生離三十載
老懷爭遣不成麻

京華桂玉兩闌心粗得心閒病已侵伴我一生成底事
誥鸞空印紫泥深

長途極目四千里往事傷心五十年

淑人歸我以
成化乙未

正到

不禁淒斷處一聲哀鴈過樓前

清明日遣三兒奠李文正公墓時上疏乞歸未

報

三年不拜先生墓一滴尤傷此日心
古道曲村猶歷歷
舊松新檜想森森
周旋未敢遺言墜
閱歷空嗟往跡深
願乞明靈表衷素
早教藜葛返初林

齋居

日暮浮雲盡瑤空湛虛明北辰儼中居列宿環四營
撿既不動慧孛亦潛精朗月行中街垂輝徹洞冥感此
念疇昔忽如初夢醒冷然遂忘寐整冠候雞鳴

層軒蔭嘉樹素月流青空珠光激翠羽綺麗難為容
起步下中庭徘徊西復東童子訝我然竊語闕窓櫳焦
枯望霖雨隆蘊思冷風儵魚濠梁上豈識蒙莊翁

駕至保定志喜

星流百騎擁前茅傳說君王到渭橋靈雨隔宵清輦路

好風和日颺鸞翹謳歌久屬三靈擬冠劍行趨五夜朝
願祝羣公同一德共扶堯日麗層霄

東江家藏集卷十五
中集